

是謂黑闇身者有說與疑相應無明名身於此義中即疑名身所以者何黑名無智由黑故闇說名黑闇此即是疑即此黑闇說名為身故名現在黑闇身

三怖者一病怖二老怖三死怖病怖者云何病答頭痛等廣說如法蘊論是謂病云何怖

答如有一類見他病已深生厭患自念我身亦有此分亦有此性亦有此法未越此法由此便生驚恐怖畏惶懼毛豎是謂怖由病起怖故名病怖老怖者云何老答髮落等廣說如法蘊論是謂老云何怖答如有一類見他老已深生厭患廣說乃至惶懼毛豎是謂怖

由老起怖故名老怖死怖者云何死答彼彼有情即於彼彼諸有情聚移轉壞沒廣說如法蘊論是謂死云何怖答如有一類見他死已深生厭患廣說乃至惶懼毛豎是謂怖由死起怖故名死怖如出尊說諸異生雖能 猣病老死法 而不能如實

厭此所依身 我能厭此身 深了知此法  
故不樂久住 速入無餘依 我觀一切種  
無疾少年命 病老死所壞 唯出離安隱  
我已勤精進 通達究竟迹 雖不習諸欲  
而捨修梵行

說一切有部集異門足論卷第四 同四

練若下汝反暫斂上同漸古愛反歎許勿反曼莫班反  
溫於骨逮代掘地上其勿反狎胡甲拂丑佳反  
澡反塗同音溼下夷嚼才約鋪羅上音豆  
蔻下呼反迦褐下胡隱匿力反犧讀音

十四末

阿毗達磨集異門足論卷第五

同五

尊者舍利子說三藏法師玄奘奉詔譯

三法品第四之三

三受者一樂受二苦受三不苦不樂受樂受云何答順樂受觸所生身樂心樂平等受受所攝是謂樂受復次修初第二第三靜慮時

順樂受觸所生身樂心樂平等受受所攝是謂樂受苦受云何答順苦受觸所生身苦心苦不平等受受所攝是謂苦受不苦不樂受云何答順不苦不樂受觸所生身捨心捨非平等非不平等受所攝是謂不苦不樂受如世尊說

具念定正知 諸佛真弟子 能正知諸受令貪等不生 於諸受及道 俱令漸次滅  
苾芻受盡故 無影般涅槃

三苦性者一苦苦性二壞苦性三行苦性苦苦性云何答欲界諸行由苦苦故苦壞苦性云何答色界諸行由壞苦故苦行苦性云何答無色界諸行由行苦故苦復次不可意諸行由苦苦故苦可意諸行由壞苦故苦順捨諸行由行苦故苦復次若諸苦受若彼相應法若彼俱有法若從彼生若彼種類不可愛異熟果由苦苦故苦若諸樂受若彼相應法若彼俱有法若從彼生若彼種類可愛異熟

果由壞苦故苦若不苦不樂受若彼相應法若彼俱有法若從彼生若彼種類非可愛非不可愛異熟果由行苦故苦復次苦苦性云何答諸身所有由苦苦故苦所以者何依身生起老病死等種種苦故壞苦性云何答如世尊說可意朋友可意眷屬可意境界若變

壞時若遭毀謗凌憲等時發生愁歎憂苦悲惱彼於尔時由壞苦故苦行苦性云何答除苦苦性及壞苦性諸餘有漏行由行苦故苦慢類我勝慢類云何答如有一類作是念言我之種族形色作業工巧財位壽量力等或揔或別皆勝於彼由此起慢已慢當慢心高舉心恃機是謂我勝慢類我等慢類云何答如有一類作是念言我之種族形色作業工巧財位壽量力等或揔或別皆等於彼由別因緣而起於慢已慢當慢心高舉心恃機是謂我等慢類我劣慢類云何答如有一類作

是念言我之種族形色作業工巧財位壽量力等或惱或別皆劣於彼由別因緣而起於慢已慢當慢心高舉心恃憊是謂我劣慢類

第四溫陀南曰

四三法有十 謂火福欲樂 及慧根眼仗六一火慧二

有三火三福業事三欲生三樂生三慧三根

三眼三仗火慧各二餘二八各一

初三火者一貪火二瞋火三癡火貪火云何答謂於欲境諸貪等貪執藏防護堅著愛樂迷悶耽嗜徧耽嗜內縛欲求耽湎苦集貪類貪生惱名爲貪由此貪愛所蔽伏者發生種

種身熱心熱身心俱熱身燒心燒身心俱燒身惱心惱身心俱惱又由貪愛纏爲緣故長夜領受不可愛不可樂不可欣不可意異熟果是謂癡火如世尊說

知前後際無知廣說乃至癡類癡生狼類狼生惱名爲癡由此愚癡所蔽伏者發生種種身熱心熱身心俱熱身燒心燒身心俱燒身惱心惱身心俱惱又由愚癡纏爲緣故長夜領受不可愛不可樂不可欣不可意異熟果是謂癡火如世尊說

諸有愚夫類 貪瞋癡火燒 如次耽欲境害生憎聖法 於三毒熾火 若不如實知便耽著有身 不能趣寂滅 由斯復邪路墮三惡趣中 受劇苦輪迴 不解脫魔縛害內懷裁杌欲爲擾惱已瞋當瞋現瞋樂爲過患極爲過患意極忿恚於諸有情各相違

同五

三

證得二涅槃 清涼無取漏

後三火者一應奉事火二應給施火三應供養火應奉事火云何答父母是子所應奉事如世尊爲高直身形婆羅門說云何名爲應奉事火謂世父母應受其子種種樂具隨處隨時無倒奉事云何其子以諸樂具隨處隨

時無倒奉事應奉事火謂族姓子以精進力及手足力若汗血力如法所得財物樂具隨處隨時無倒奉事供養父母何故名爲應奉事火謂族姓子從彼而生由彼長養乃得成立是故父母諸佛說爲應奉事火應給施火云何答妻子奴婢作使親友是其家主所應給施如世尊爲高直身形婆羅門說云何名爲應給施火謂世妻子奴婢作使及諸親友應受家主種種樂具隨處隨時無倒給施應給火謂族姓子以精進力及手足力若汗血

妻子奴婢作使親友何故名爲應給施火謂族姓子如法居家其妻子等無倒承事如教爲作所應作業令無匱乏速得成辦是故妻子奴婢作使及諸親友諸佛說爲應給施火應供養火云何答真沙門婆羅門是謂施主所應供養如世尊爲高直身形婆羅門說云何名爲應供養火謂沙門婆羅門若已離貪或復修行調伏貪行若已離瞋或復修行調伏瞋行若已離癡或復修行調伏癡行如是沙門及婆羅門應受施主種種樂具隨處隨時無倒供養云何施主以諸樂具隨處隨時無倒供養應供養火謂族姓子以精進力及手足力共汗血力如法所得財物樂具隨處隨時無倒供養如前所說諸沙門婆羅門何故名爲應供養火謂族姓子供養阿羅漢及諸有學者彼是世間真福田故能令施主於中樹福感得最勝此世他世富樂異熟及解脫果是故真沙門及真婆羅門諸佛說爲應

同五

四

供養火餘世間火非應奉事給施供養彼不能令諸有情類得勝果故如世尊說

智者能如法 祭事前三火 生有樂世間證無苦解脫

三福業事者一施類福業事二戒類福業事三修類福業事施類福業事者云何施類云

何福云何業云何事而說施類福業事耶答施類者謂施主布施諸沙門婆羅門貧窮苦行道行乞者飲食湯藥衣服華鬘塗散等香房舍卧具燈燭等物是名施類復次或由身語布施謂或施身或施身業或施所捨物或由語布施謂或施語或施語業或施所捨物或

同五

五

由意布施謂或施意或施意業或施捨心是名施類福者謂施俱行身律儀語律儀命清淨是名福業者謂施俱行諸思現等思已思思類作心意業是名業事已思思類作心意業是名業事者謂施主受已思思類作心意業是名業事者謂施主受者及所施物是名事此中施類名施類亦名福亦名業亦名事此中福名爲福亦名業亦

名事亦名施類此中業名爲業亦名事亦名施類亦名福此中事唯名事戒類福業事者云何戒類云何福云何業云何事而說戒類福業事耶答戒類者謂離害生命離不與取放逸處酒是名戒類福者謂戒俱行身律儀語律儀命清淨是名福業者謂戒俱行諸思等思現等思已思思類作心意業是名業事者謂若防若止若遮若離害生命事是離害生命事若防若止若遮若離不與取事是離不與取事若防若止若遮若離欲邪行事是離欲邪行事若防若止若遮若離虛妄語事是離虛妄語事若防若止若遮若離飲窣羅迷麗耶末陀放逸處酒事是離飲諸酒事是名事此中戒類名爲戒類亦名福亦名業亦名事此中福名爲福亦名業亦名事亦名戒類此中業名爲業亦名事亦名戒類亦名福此中事名爲事亦名戒類亦名福亦名業修

類福業事者云何修類云何福云何業云何事而說修類福業事耶答修類者謂慈悲喜捨四無量是名修類福者謂無量俱行身律儀語律儀命清淨是名福業者謂無量俱行諸思等思現等思已思思類作心意業是名業事者謂所緣事緣彼而起四無量是名事此中修類名爲修類亦名福亦名業亦名事此中福名爲福亦名業亦名事亦名修類此中業名爲業亦名事亦名修類亦名福此中事唯名事如世尊說

智者能依法 勸學施戒修 生無苦世間受三種樂果

同五

六

三欲生者有諸有情樂受現前諸妙欲境彼於現前諸妙欲境富貴自在轉謂人全天一分是第一欲生有諸有情樂受自化諸妙欲境彼於自化諸妙欲境富貴自在轉謂樂變化天是第二欲生有諸有情樂受他化諸妙欲境彼於他化諸妙欲境富貴自在轉謂他

化自在天是第三欲生此中有諸有情者謂諸有情諦義勝義不可得不可近得非有非現有但於諸蘊界處由想等想假言說轉謂爲有情那羅意生孺童命者生者養者士夫補特伽羅由斯故說有諸有情樂受現前諸妙欲境者謂彼有情恒樂受用藏護積集委寄安置隨本所生現前欲境彼於現前諸妙欲境富貴自在轉者謂彼有情於所受用藏護積集委寄安置隨本所生現前欲境有勢力得自在隨意受用謂人全者顯一切人天一分者顯欲界下四天是第一者謂隨筭數漸次順次相續次第此居第一欲生者謂此於欲界生復次有諸有情者謂諸有情諦義勝義不可得廣說如前樂受自化諸妙欲境者謂樂變化天造作增長如是類業彼由此業隨所受樂化作種種男女等事而自娛樂謂若天女化作天男而自娛樂若諸天男化作天女而自娛樂彼於自化諸妙欲境富貴

自在轉者謂樂變化天造作增上如是類業  
彼由此業隨所愛樂化作種種男女等事彼  
於此事有勢力得自在隨意受用謂樂變化  
天者顯一切樂變化天是第二者謂隨筭數  
漸次順次相續次第此居第二欲生者謂此  
於欲界生復次有諸有情者謂諸有清諦義  
勝義不可得廣說如前樂受他化諸妙欲境  
者謂他化自在天造作增長如是類業彼由  
此業與諸他化自在天雖同一類身同一趣  
同一生同一進趣而有高下勝劣差別諸下  
劣天子化作種種色聲香味觸諸妙欲境令  
高勝天子於中受用彼於他化諸妙欲境當  
貴自在轉者謂他化自在天造作增長如是

梵輔天下劣大梵天高勝他化自在天亦復  
如是造作增長如是類業彼由此業廣說如  
前謂他化自在天者顯一切他化自在天是  
第三者謂隨筭數漸次順次相續次第此居  
第三欲生者謂此於欲界生

三樂生者有諸有情即如是身離生喜樂之  
所滋潤徧滋潤適悅徧適悅充滿徧充滿滋  
潤乃至得充滿已安樂而住謂梵衆天是第  
一樂生有諸有情即如是身定生喜樂之所  
滋潤徧滋潤適悅徧適悅充滿徧充滿滋潤  
乃至徧充滿已安樂而住謂極光淨天是第  
二樂生有諸有情即如是身離喜之樂之所  
滋潤徧滋潤適悅徧適悅充滿徧充滿滋潤  
乃至徧充滿已安樂而住謂徧淨天是第三  
樂生此中有諸有情者謂諸有情諦義勝義  
不可得不可近得非有非現有但於諸蘊界  
處由想等想假言說轉謂爲有情那羅意生  
儒童命者生者養者士夫補特伽羅由斯故  
高下勝劣差別謂梵衆天下劣梵輔天高勝

說有諸有情即如是身者身名爲身身業亦名身身根亦名身五有色根亦名身四大種聚亦名身今此義中意說四大種聚身故說即如是身離生喜樂者謂初靜慮中所可得樂平等受受所攝是名離生喜樂之所滋潤偏滋潤適悅偏適悅充滿偏充满者謂梵衆天於此離生喜樂隨欲而得無艱無難即此離生喜樂起等起生等生聚集出現能令如是四大種聚身滋潤偏滋潤適悅偏適悅充满偏充满滋潤乃至偏充满已安樂住者謂彼爾時由離生喜樂身心無苦惱安樂而住如世尊於分別生記經中說苾芻當知如修定者從此處沒生梵衆天數數現受離生喜樂彼先住此入初靜慮亦數現受離生喜樂彼先後所受離生喜樂無異無差別依定等故謂先此間於初靜慮若習若修若多所作後方生彼梵衆天故二所受離生喜樂品類相似謂梵衆天者類初靜慮梵衆等天是第

一者謂隨筭數漸次順次相續次第此居第一樂生者謂此生處長時受安隱樂離苦樂受樂故名樂生復次有諸有情者謂諸有情諦義勝義不可得廣說如前即如是身者身名爲身乃至廣說定生喜樂者謂第二靜慮中所可得樂平等受受所攝是名定生喜樂之所滋潤偏滋潤適悅偏適悅充滿偏充满者謂極光淨天於此定生喜樂隨欲而得無艱無難即此定生喜樂起等起生等生聚集出現能令如是四大種聚身滋潤偏滋潤適悅偏適悅充滿偏充满滋潤乃至偏充满已安樂住者謂彼爾時由定生喜樂身心無苦惱安樂而住如世尊於分別生記經中說苾芻當知如修定者從此處沒生梵衆天數數現受離生喜樂彼先住此入第二靜慮亦數現受定生喜樂彼先住此入第二靜慮數數現受定生喜樂彼先後所受定生喜樂亦數現受定生喜樂彼先後所受定生喜樂無異無差別依定等故謂生此間於第二靜慮若習若修若多所作後方生彼極光淨天

故二所受定生喜樂品類相似謂極光淨天者顯第二靜慮極光淨等天是第二者謂隨筭數漸次順次相續次第此居第二樂生者謂此生處長時受安隱樂離苦樂樂受樂故名樂生復次有諸有情者謂諸有情諦義勝義不可得廣說如前即如是身者身名爲身

乃至廣說離喜之樂者謂第三靜慮中所可得樂平等受受所攝是名離喜之樂之所滋潤徧滋潤適悅徧適悅充滿徧充滿者謂徧淨天於此離喜之樂隨欲而得無艱無難即此離喜之樂起等起生等生聚集出現能令如是四大種聚身滋潤徧滋潤適悅徧適悅充滿徧充滿滋潤乃至徧充滿已安樂住者謂彼亦時由離喜之樂身心無苦惱安樂而住如世尊於分別生記經中說苾芻當知如修定者從此處沒生徧淨天數數現受離喜之樂彼先住此入第三靜慮亦數現受離喜

定等故謂先此聞於第三靜慮若習若修若多所作後方生彼徧淨天故二所受離喜之樂品類相似謂徧淨天者顯第三靜慮徧淨等天是第二者謂隨筭數漸次順次相續次第此居第三樂生者謂此生處長時受安隱樂離苦樂樂受樂故名樂生

同五

十

初三慧者一聞所成慧二思所成慧三修所成慧聞所成慧云何答因聞依聞由聞建立於彼彼處有勢力得自在正徧通達其事如何如有苾芻或受持素咀纊或受持毗奈耶或受持阿毗達磨或聞親教師說或聞軌範師說或聞展轉傳授藏說或聞隨一如理者說是名爲聞因此聞依此聞由此聞建立故此於彼彼處有勢力得自在正徧通達是名聞所成慧思所成慧云何答因思依思由思建立於彼彼處有勢力得自在正徧通達其事如何謂有一如理思惟書數筭印或隨一所作事業是名爲思因此思依此思由

此思建立故於彼處有勢力得自在正徧通達是名思所成慧修所成慧云何答因修依修由修建立於彼處有勢力得自在正徧通達其事如何謂如有一方便善巧自勤修習諸離染道由此所修離染道故離欲惡不善法有尋有伺離生喜樂入初靜慮具足住廣說乃至入第四靜慮具足住是名爲修因此修依此修由此修建立故於彼處有勢力得自在正徧通達是名修所成慧有作是說如此亦是思所成慧所以者何唯依佛法不共所修乃可名爲修所成慧今此義中依諸等引所起寂靜慧皆名修所成慧

同五十一

後三慧者一學慧二無學慧三非學非無學慧學慧云何答學作意相應於法簡擇廣說乃至毗鉢舍那是名非學非無學慧擇最極簡擇解了等了近了徧了機點通達審察聽覩覺明慧行毗鉢舍那是名學慧無學慧云何答無學作意相應作法簡擇廣說乃至毗鉢舍那是名無學慧非學非無學慧

云何答有漏作意相應於法簡擇廣說乃至毗鉢舍那是名非學非無學慧三根者一未知當知根二已知根三具知根如法蘊論廣說其相如出尊說學者學諸根 恒隨正直道 常委勤精進守護於自心 初慧根無間 生第二慧根若第三慧根 解脫位方有 不動解脫位諸有結永盡 無漏根圓滿 樂止息諸根將入永寂滅 住持最後身 降伏諸魔軍證畢竟當樂

三眼者一肉眼二天眼三聖慧眼肉眼云何答雜骨肉血淨四大種所造眼界眼處眼根是名肉眼天眼云何答不雜骨肉血極淨四大種所造眼界眼處眼根是名天眼聖慧眼云何答諸有學慧及無學慧并一切善非學非無學慧是名聖慧眼如出尊說

肉眼最爲劣 天眼名次上 聖慧眼最勝有三種差別 諸世間善慧 能順趣波擇

學無學正知 盡生老病死 大覺天人中

名稱最高遠 亦由慧速證 妙覺莊嚴身

三仗者一聞仗二離仗三慧仗聞仗云何答  
多聞聞持聞積集者若所說法初中後善文

義巧妙純一圓滿清白梵行於如是法具足

多聞憶持所聞言教純熟專意觀察所聞言

教於諸法義見善通達是名爲聞因此聞依

此聞由此聞建立故能斷不善法能修諸善

法此名爲聞亦名爲仗亦名聞仗故名聞仗

離仗云何答離欲惡不善法有尋有伺離生

喜樂入初靜慮具足住廣說乃至入第四靜

慮具足住是名爲離因此離由此離同五

十三

建立故能斷不善法能修諸善法此名爲離  
亦名爲仗亦名離仗故名離仗慧仗云何答  
如實了知此是苦聖諦此是苦集聖諦此是  
苦滅聖諦此是趣苦滅道聖諦是名爲慧因  
此慧依此慧由此慧建立故能斷不善法能  
修諸善法此名爲慧亦名爲仗亦名慧仗故

名慧仗如世尊說

聞仗最爲劣 離仗名次上 慧仗最爲勝

精進力具足 具念樂靜定 知世間生滅

於一切解脫 至世邊彼岸

第五溫陀南曰

五三法有十 謂學修住定 導淨默增上

無上明各三

有三學三修三住三定三示導三清淨三寂  
默三增上三無上三明

三學者一增上戒學二增上心學三增上慧  
學增上戒學云何答安住具戒守護別解脫  
律儀軌則所行悉皆具足於微小罪見大怖

畏受學學處是名增上戒學增上心學云何  
答離欲惡不善法有尋有伺離生喜樂入初  
靜慮具足住廣說乃至入第四靜慮具足住  
是名增上心學增上慧學云何答如實了知  
此是苦聖諦此是苦集聖諦此是苦滅聖諦  
此是趣苦滅道聖諦是名增上慧學如世尊說  
同五

十三末

苾芻具三學 樂修如理行 增上戒心慧

超衆魔境界 律照如日輪

恒相續現行

具精進勢力 及明盛靜慮

常守護諸根

勤行不放逸

如晝夜亦然

如夜晝亦尔

如前後亦尔

如後前亦然

如下上亦然

如上下亦尔

勝仗諸方所

由不放逸定

說此爲學迹

不放逸而住

由能了能捨

故得心解脫

世說爲等覺

雄猛至行邊

明行俱圓滿

恒住無忘失

命根不相續

愛盡解脫故

如燈火涅槃

究竟心解脫

世說爲等覺

恒住無忘失

三修者一修戒

二修定三修慧

修戒云何答

於諸善戒親近數習殷重無間勤修不捨是名

修戒修定云何答於諸善定親近數習殷

重無間勤修不捨是名修定修慧云何答於

諸善慧親近數習殷重無間勤修不捨是名

修慧如世尊說

善修戒定慧

至極究竟者

已永盡諸有

無垢亦無憂

於著得解脫

具利慧深定

說一切有部集異門足論卷第五

凌機

上音陵  
莫結反

下劇

奇逆  
反

窄

蘇拔  
反

娛

音愚

## 阿毗達磨集異門足論卷第六 同六

尊者舍利子說 三藏法師玄奘奉 詔譯

### 三法品第四之餘

三住者一天住二梵住三聖住天住云何答

謂四靜慮何等爲四謂離欲惡不善法有尋

有伺離生喜樂入初靜慮具足住廣說乃至

④

入第四靜慮具足住如世尊爲吠那補黎婆羅門說梵志當知若時我於世間四靜慮中隨爲一靜慮故行爾時我爲天住而行若時我於世間四靜慮中隨爲一靜慮故住或坐或卧爾時我爲天住而住或坐或卧如是世間四靜慮中隨於一靜慮親近數習殷重無